



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
Council of National Minorities

Broj, 04/5-02-1334/23

Sarajevo, 27.4.2023.godine

ZAPISNIK

Sa 13. sjednice Vijeća nacionalnih manjina Federacije Bosne i Hercegovine, održane 27.4.2023.godine.

Trinaesta sjednica Vijeća nacionalnih manjina Federacije Bosne i Hercegovine održana je 27.4.2023..godine, sa početkom u 10:15 sati.

Prisutni na sjednici su bili sljedeći članovi: Hidajeta Redžić, Džemina Zejnullahu, Elma Softić-Kaunitz, Dejan Piotrovski, Davor Ebner, Bruno Palestra, Mišo Ćirko, Velibor Kuvač, Violeta Džolan, Zehra Obarčanin, Admira Biberović, Alaga Suljić, Emin Fafulić, Mehmed Suljić, Vladimir Lukičević, Davorka Drijenčić.

Sjednici nisu prisustvovali: Nermin Geca, Irma Muratović, Emil Bakoš, Elvisa Jusić i Dervo Sejdić

Sjednicom je predsjedavala Hidajeta Redžić, predsjedavajuća Vijeća nacionalnih manjina Federacije Bosne i Hercegovine.

Za 13. sjednicu Vijeća nacionalnih manjina Federacije Bosne i Hercegovine predložen je sljedeći:

DNEVNI RED

- 1. Usvajanje Zapisnika sa 12. sjednice Vijeća nacionalnih manjina FBiH;**
- 2. Prijedlog Odluke o izmjeni i dopuni Odluke o usvajanju Programa utroška sredstava s kriterijima raspodjele sredstva tekućih transfera utvrđenih Budžetom Federacije Bosne i Hercegovine za 2023. godinu;**
- 3. Razmatranje dopisa upućenih Vijeću u proteklom vremenskom periodu;**
- 4. Tekuća pitanja.**

Hidajeta Redžić, predsjedavajuća Vijeća nacionalnih manjina Federacije Bosne i Hercegovine je stavila na glasanje predloženi Dnevni red, koji je jednoglasno usvojen.

Sjednici Vijeća je prisustvovala delegacija Vijeća Evrope u sastavu od tri člana i to: **Alexandra Castro (Portugal) Harald Christian Scheu (Češka) i Klaus Poier (Austria).**

Predsjedavajuća je predložila da prije prelaska na rasprave i glasanja po tačkama dnevnog reda, Vijeće da riječ delegaciji Vijeća Evrope te iznese vlastite stavove i mišljenja.

Predsjedavajuća Vijeća se obratila delegaciji Vijeća Evrope te predložila da članovima Vijeća nacionalnih manjina da kratko obrazlože položaj Vijeća i pripadnika nacionalnih manjina u Federaciji BiH. Predsjedavajuća je istakla da u pogledu političkih prava su nacionalna manjine apsolutno diskriminirane te da Ustav BiH zabranjuje pripadnicima nacionalnih manjina da se kandidiraju na najvažnije pozicije u društvu, na primjer presuda Sejdić-Finci, koja nikada nije realizovana. Naglasila je i da u okviru primjene odredbi Okvirne konvencije za zaštitu nacionalnih manjina a koje se odnose na informisanje i kulturu, može se konstatovati da u načelu vlasti BiH aktivno ne narušavaju prava nacionalnih manjina ali u isto vrijeme čine malo ili ništa u smislu njihove zaštite. Predsjedavajuća je istakla da se ne izdvajaju materijalna sredstva za nacionalne manjine, iako postoje zakonske odredbe koje predviđaju to a i da se sredstva osigurana u budžetu Federacije BiH za rad Vijeća nacionalnih manjina FBiH uskraćuju te na zahtjeve Vijeća za realizaciju tih aktivnosti se ne odgovara.

Vijeću se obratio član delegacije Vijeća Evrope Klaus Poier, te istakao da je obradovan činjenicom da Vijeće je upoznato sa radom, aktivnostima i nadležnostima Savjetodavnog komiteta za Okvirnu konvenciju za zaštitu nacionalnih manjina koji su zaduženi za praćenje implementacije. Klaus Poier je informisao Vijeće o brojnim sastancima na temu primjene Konvencije te da će pri povratku u Strazbur zajedno sa kolegama raditi na izradi nacrtu mišljenja koji će razmatrati Savjetodavni komitet u plenarnom zasijedanju u oktobru te se očekuje da će mišljenje biti usvojeno u februaru sljedeće godine te nakon toga i objavljeno. Istakao je da iz onog što su čuli iz izlaganja predsjedavajuće je za delegaciju bilo jako korisno. Klaus Poier je uputio pitanje Vijeću da iznesu mišljenje koji su najbitniji nedostaci koje oni uočavaju te prijedloge najboljih rješenja istih.

Džemina Zejnullahu je istakla da Ustav BiH nije dobronamjeren prema svim građanima BiH te da Konvencija o zaštiti prava nacionalnih manjina koja je usvojena 1994. godine a u BiH ta Strategija stupa na snagu 1998, to govori koliko je vlast Bosne i Hercegovine ažurna po pitatnju zaštite prava pripadnika nacionalnih manjina kao i implementacije zakona koji se tiču nacionalnih manjina. Što se tiče Vijeća nacionalnih manjina na nivou Federacije BiH, istakla je da Vijeće je do sada trebalo da se bavi problematikom pripadnika nacionalnih manjina, međutim da znatno usporava rad Vijeća njegov sam status. Istakla je problem diskriminacije u obrazovnom sistemu s kojim se susreću djeca u osnovnim i srednjim školama jer nemaju mogućnost školovanja na njihovom jeziku, kao i problem zapošljavanja pripadnika nacionalnih manjina, te posebno istakla da je razlog diskriminacije da pripadnici nacionalnih manjina nisu reprezentativni po mišljenju vladajuće strukture. Naglasila je i budžet Vijeća koji iznosi 80 000 KM, koji je Vijeću uskraćen odnosno ograničen.

Delegaciji Vijeća Evrope se obratio Mehmed Suljić. Pozdravio je goste i članove Vijeća te istakao gostima da je predstavnik romske nacionalne manjine, naroda koji je najviše izložen diskriminaciji u Bosni i Hercegovini. Mehmed Suljić je naglasio da su predrasude i brojne prepreke velike da unatoč svim nastojanjima predstavnika međunarodne zajednice model za uništavanje diskriminacije nije pronađen. Također, upoznao je delegaciju sa svojim naporima i preprekama sa kojima se susreo tokom borbe za prava pripadnika romske nacionalne manjine. Mehmed je naglasio da je napisao primjedbe, na dvanaest stranica, na državni izvještaj koji je otišao prema Vijeću Evrope, a tiče se pitanja nacionalnih manjina te izrazio neslaganje sa istim iz razloga što se i tu diskriminacija pojavljuje jer nacionalne manjine nisu imale priliku da izraze svoj stav po istom. Istakao je da najvažnija statusna pitanja nacionalnih manjina u Federaciji BiH su: 1.uklanjanje zakonskih i administrativnih i drugih prepreka u postupcima ostvarivanja



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
Council of National Minorities

statusnih prava nacionalnih manjina, 2. zapošljavanje osoba iz reda nacionalnih manjina u službama koje rješavaju statusna pitanja nacionalnih manjina, 3. uspostava sistema, odnosno donošenje zakona, besplatne pravne pomoći naročito za romsku nacionalnu manjinu, 4. edukacija službenika za bolje razumijevanje nacionalnih manjina i sprječavanje svih oblika diskriminacije. Također, za kraj Mehmed Suljić je istakao da nema tačnog podatka koliko roma živi u Bosni i Hercegovini te da su isključeni iz mogućnosti da sami daju odgovore na određena pitanja kao što su koji je njihov nivo obrazovanosti, koliko su socijalno i zdravstveno obezbijeđeni, koji su im planovi i ciljevi itd.

Vijeću se obratio član delegacije Vijeća Evrope Klaus Poier, zahvalio se na svim informacijama, te istakao da će biti od velike koristi pri izradi izvještaja. Postavio je pitanje Vijeću da li smatraju da novac iz budžeta Vijeća treba da se dodijeli Vijeću direktno ili da se taj novac na drugi način dodijeli nacionalnim manjinama. Predsjedavajuća Vijeća je upoznala delegaciju da je Vijeće bilo pozvano na zajednički sastanak svih Vijeća nacionalnih manjina u Bosni i Hercegovini u Banja Luku, Vijeće nacionalnih manjina FBiH je blagovremeno podnijelo zahtjev administrativnim komisijama oba doma Parlamenta FBiH za sredstva finansiranja iz budžeta koji je dodijeljen Vijeću, ali nikakav odgovor Vijeće nije dobilo. Predsjedavajuća je naglasila da će Vijeće sačekati da se formira nova vlast u Federaciji Bosne i Hercegovine, da ne žele da medijski se obrate nadležnima još, jer žele da sa Parlamentom Vijeće bude saradnik a ne protivnik, te da Vijeće planira na prvu sjednicu nakon formiranja vlasti pozvati rukovodstvo Parlamenta, nadležne komisije oba Doma te da zajedničkim naporom pokušaju pronaći rješenje za probleme sa kojim se susreće Vijeće.

Član delegacije Vijeća Evrope Klaus Poier se složio da budžet Vijeća je bitan ali da postoji i važnijih stvari za rješavanje a koje se tiču nacionalnih manjina te istakao da je upoznat sa izradom novih zakonskih propisa. Postavio je pitanje Vijeću, u vezi izrade novih propisa, šta je to što se treba izmijeniti ili dopuniti u postojećim propisima kako bi rad Vijeća bio djelotvorniji?

Mehmed Suljić se javio za riječ istakao da fundamentalno pitanje koje bi se trebalo riješiti je promjena odnosa vlasti prema Vijeću. Vijeće je savjetodavno tijelo Parlamenta BiH. Savjetodavna uloga ovog tijela nikoga ništa ne obavezuje te da najveći pomak bi se desilo kada bi Vijeće postalo stalno radno tijelo Parlamenta, te bi zaključci Vijeća bi mogli biti predmet odlučivanja Parlamenta. Džemina Zejnullahu je mišljenja da novi zakon neće donijeti velike promjene niti uzrokovati poboljšanje situacije nacionalnih manjina u FBiH, kao ni Vijeća.

Klaus Poier je postavio pitanje Vijeću o njihovom učešću u izradi Izvještaja po Okvirnoj konvenciji o zaštiti nacionalnih manjina. Džemina Zejnullahu je objasnila da Vijeće nije imalo priliku učestvovati niti u Izvještaju kao ni u sličnim aktivnostima. Sljedeće pitanje delegacije Vijeća Evrope je bilo da li postoji saradnja između Vijeća u Bosni i Hercegovini? Džemina Zejnullahu je pojasnila da saradnje sa državnim Vijećem nije bilo ali da se Vijeće nada budućoj saradnji sa novoizabranim članovima državnog Vijeća nacionalnih manjina FBiH.

Delegacija je postavila pitanje Vijeću da li imaju direktnu komunikaciju sa Ministarstvom za ljudska prava FBiH? Predsjedavajuća ih je informisala da to ministarstvo na nivou Federacije ne postoji a da se ta pitanja na federalnom nivou vlasti tiču Ministarstva pravde.

Delegacija Vijeća Evrope je izrazila žaljenje što su ovi sastanci vremenski ograničeni zbog drugih obaveza i sastanaka, te pozvala sve članove Vijeća da se obrate Vijeću Evrope na email adrese ukoliko budu imali informacije za koje smatraju da Vijeću Evrope mogu biti u koristi u smislu unapređivanja statusa nacionalnih manjina.

Nakon održanog sastanka, Vijeće nacionalnih manjina FBiH je nastavilo sa svojom trinaestom redovnom sjednicom.

1. Usvajanje zapisnika sa trinaeste sjednice Vijeća nacionalnih manjina FBiH;

Predsjedavajuća Vijeća je pozvala prisutne članove na glasanje o usvajanju zapisnika sa dvanaeste sjednice Vijeća nacionalnih manjina, napomenuvši da ukoliko ima neko primjedbe ili sugestije da iznese iste. Kako nije bilo primjedbi, **zapisnik je jednoglasno usvojen.**

2. Prijedlog Odluke o izmjeni i dopuni Odluke o usvajanju Programa utroška sredstava s kriterijima raspodjele sredstva tekućih transfera utvrđenih Budžetom Federacije Bosne i Hercegovine za 2023. godinu;

Predsjedavajuća je upoznala Vijeće o usvajanju Odluke o usvajanju Programa utroška sredstava s kriterijima raspodjele sredstva tekućih transfera utvrđenih Budžetom Federacije Bosne i Hercegovine za 2023. godinu, te istakla je da smatra da Vijeće nacionalnih manjina treba da uputi Prijedlog izmjene i dopune Odluke čijom bi izmjenom dio novčanih sredstava se dodijeli nacionalnim manjinama u Federaciji BiH.

Vijeće je jednoglasno donijelo:

ZAKLJUČAK

Vijeće nacionalnih manjina Federacije BiH je mišljenja da je potrebno uputiti Prijedlog Odluke o izmjeni i dopuni Odluke o usvajanju Programa utroška sredstava s kriterijima raspodjele sredstva tekućih transfera utvrđenih Budžetom Federacije Bosne i Hercegovine za 2023. godinu Vladi Federacije Bosne i Hercegovine na razmatranje. Vijeće nacionalnih manjina FBiH će Vladi FBiH u što kraćem roku uputiti Prijedlog.

3. Razmatranje dopisa upućenih Vijeću u proteklom vremenskom periodu;

Predsjedavajuća Vijeća je upoznala članove Vijeća o odgovorima na dopise koje je Vijeće uputilo Ministarstvima, organima uprave, agencijama i drugim institucijama. Kako su članovi Vijeća ranije iste odgovore zaprimili, o ovoj tački dnevnog reda nije bilo rasprave.

4. Tekuća pitanja.

Elma Softić Kaunitz je predložila da Vijeće pošalje email zahvale Vijeću Evrope na dolasku delegacije na sastanak sa Vijećem, što su ostali članovi Vijeća i podržali. Elma Softić Kaunitz je predložila da se jedna osoba ispred Vijeća imenuje za PR Vijeća, a predsjedavajuća je predložila da to bude Elma S.Kaunitz, a ostali članovi su se složili.



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
Council of National Minorities

Zehra Obarčanin je predložio da se nakon svake sjednice na internet stranici Parlamenta objavi kratko saopštenje o tome da je Vijeće zasjedalo, obavijest o dnevnom redu i donesenim Zaključcima Vijeća.

Džemina Zejullahu je obavijestila Vijeće da je na sastanku u Brčkom, u organizaciji OSCE-A, predloženo formiranje Saveza vijeća nacionalnih manjima te da je naglasila da je stav Vijeća da ne podržava formiranje Saveza te da napore treba usmjeriti ka jačanju statusa Vijeća nacionalnih manjina za dobrobit svih građana pripadnika nacionalnih manjina kako u FBiH tako i na državnom nivou.

Sjednica je završena u 12:00 sati.

PREDSJEDAVAJUĆA

Hidajeta Redžić